

**Kerana 'setitik nila', hakim larang telefon bimbit  
Malaysiakini.com  
July 22, 2010**

Kongsi 0

Hakim pilihan raya yang mendengar petisyen pilihan raya Datuk Zaid Ibrahim telah melarang penggunaan segala bentuk telefon bimbit pada perbicaraan pagi ini.

Sehubungan itu, Hakim Datuk Azahar Mohamed mengarahkan polis supaya merampas semua telefon yang digunakan.

Tindakan beliau itu secara tidak langsung menghalang wartawan daripada memberikan laporan terkini berhubung apa yang berlaku dalam perbicaraan yang masuk hari ketiga.

Keputusan itu diambil berikutan tindakan beberapa wartawan dan juga peguam yang tidak bertanggungjawab membiarkan telefon mereka berdering ketika perbicaraan dijalankan, semalam.

Malah, seorang wartawan wanita tanpa rasa bersalah terus menjawab telefonnya tanpa menghiraukan hakim.

Petisyen Zaid adalah supaya mahkamah membatalkan keputusan pilihan raya kecil parlimen Hulu Selangor, di mana beliau kalah kepada calon BN P Kamalanathan.

Dakwanya terdapat gejala rasuah semasa semasa kempen itu dan kerajaan persekutuan juga menyalah-gunakan peruntukan dana negara bagi memancing undi.

Hari ini, mahkamah dijadualkan mendengar bantahan awal daripada Suruhanjaya Pilihan Raya, yang antara dinamakan responden dalam petisyen Zahid.

Berikutan itu, peguam Zahid akan menjawab hujah SPR.

[Baca berita penuh]

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/138043>